



風陵文庫
文庫19
F221
/



樂邦文類序

周道既往百家各以其說爭衡於世久之
浸息獨儒老釋三之教幾於並行大率皆
主於勸善戒惡其言不同而其歸則一然
釋宗比道家為尤盛余未嘗讀佛書初無
心佞佛惟是諸惡莫作眾善奉行戒不
敢須臾去心佛之本意似不出此世有習
西方淨土之教者其說曰凡夫生於五濁
惡世業網縈覆生死不能出苦海不能停

大雄氏不得已而偏指一方使人繫心專
注果由是而之則達無方所矣雖然不得
其門而入亦徒為耳曾不知此法本乎一
心一心所主必見於善故佛指示曰是心
作佛是心是佛諸佛正徧知海從心想生
是故應當一心繫念若因是而論則彌陀
果覺即我性是極樂遐方即我心是一念
到處應用無虧六何高下遠近之有哉此
五宗曉留心教典類成此書其大藏經論

古今儒釋所著無非西方淨土教門或闡
揚奧義以警未達或明示顯應以誘方來
至於長行短偈片言隻字無一不備其善
用身心可尚矣一日持以示余且有請曰
某留心於此有年將以刊板化一為多廣
示學者儻得一言冠其首使人起信起修
矧某克苦編鏤不為枉矣余取其書讀之
諸家所示頗有深趣真可以發明往生大
旨啓迪人之善心徐復究其理蓋人固有

之性本自明白無始迷妄不貪則悟緣此
病根是生眾苦若令離苦惱而獲安隱當
以是而對治之譬如神醫用藥病根既去
則本體如初又如明鏡受塵揩摩有力則
本明如舊夫如是則此書真復性還元之
策豈可寢之哉嗚呼道在邇不必求諸遠
事在易不必求諸難昔無著師禮五臺見
文殊說偈有曰寶塔畢竟化為塵一念淨
心成正覺佛法無量斯言蔽諸佛土既以

心為本其務西歸者堆當善淨其心而已
矣斯無它術焉慶元庚申中元日敷文閣
學士宣奉大夫致仕汪大猷序



樂邦文類卷第一 并序

四明石芝沙門

宗曉 編次

乾道中

德壽宮親灑宸毫大書蓮社二字賜防禦使浙西路揔管張
 掄龍驤鳳翥八法俱全真希世河洛之瑞也竊惟
 高宗皇帝以唐虞之化甄陶天下功成不居脫屣萬乘退藏
 之暇游心內典且欲追還廬阜念佛之風故有斯舉焉歷考
 自古帝王興隆釋教或建立塔廟者有之或翻譯經論者有
 之或廣度僧尼者有之而未嘗聞操觚染翰發揮淨邦裨一
 切人外此五濁如吾

聖君者，至矣。薄海內外，宗古立社，念佛之聲洋洋乎盈耳。乃知至德如風，民應如草，有不期然而然者矣。請試論之。我佛能仁誕生迦維不憇，金輪寶位，直向雪山宴坐。既成道已，隨機闡化，故使大小偏圓教法，有殊最後法華高會一道。無偏開彼權乘，悉歸真實。故出世本懷，至是始暢矣。又念將來之世人，根暗鈍，不能自求出離。唯彌陀本願，取土極樂，可以橫截愛河，徑超佛地。故於諸大乘經，殷勤勸往者，不一。斯蓋如來異妙方便，診卹沉淪，去留藥之謂耳。然大教東流，人或未知。而東晉遠公法師，神機秀發，肇開化源，引水栽蓮，締結淨社。爾

時預者一百二十有三人，劉遺民等十八大賢，而為上首。自是念佛三昧之道行焉。迨今八百餘載，遺風遺烈，凜然尚在。故得張掄所修，遠踵其事。矣然則務學必求師，進業必託法。故茲社之興，專以彌陀為宗主。諸經為司南。自晉唐以來，高僧巨儒，咸有著述。讚美斯事。雖其間說義有淺深，屬辭有工拙，譬如萬流東流，同歸滄海。使夫飲用者，咸沾一味焉。宗曉侵尋，晚景悟世，非堅深仰。高宗皇帝，道參天地，德邁羲軒，猶乃宣揚至教，啓迪羣蒙。況愚忝獲，倫取怠思，修之路乎。由是囊括諸經，網羅衆製，伏

而讀之意旨良導雖微辭奧旨未易窺測然研味有年粗亦識其梗槩重念隋珠和璧為天下之至寶苟韞匱而藏諸則人孰得而共之遂於假日即其所得次而編之始於經呪終乎詩詞凡十有四門摠二百二十餘首析為五卷目曰樂邦文類蓋倣儒家柳宗直西漢文類之作也其有集之不盡當有與吾同志者續焉時

經 凡四十六處

大藏專談淨土經論目錄

法華經 彌陀迹中化緣之始

悲華經 三聖因願授記名號

出生菩薩經

彌陀因行成就眾生

無量壽經

法藏發願莊嚴妙土

彌陀偈經

彌陀本願取土之相

首楞嚴經

大勢至獲念佛圓通

鼓音王經

彌陀國城父母親屬

阿彌陀經

極樂過十萬億佛土

阿彌陀經

七日不乱感佛往生

觀無量壽經

行三種業得生西方

觀無量壽經

初修日觀送想西方

觀無量壽經

第八像觀約心觀佛

觀無量壽經

具三種心即得往生

觀無量壽經

下品下生十念功成

觀無量壽經

韋提侍女皆得往生

阿彌陀經

以疑惑心生西方界邊

無量壽經

不了佛智胎宮受生

菩薩處胎經

生染著心墮懈慢國

平等覺經

淨土聲聞修行證果

無量壽經

揀五逆謗法不得往生

無量壽經

三輩修因往生之相

無量壽經

較量二生修善不同

無量壽經

往生淨土菩薩衆多

無量壽經

法滅留經百歲度人

無量壽經

勸各精進努力求之

無量壽經

無量壽佛光明普照

無量壽經

寶鉢飲食自然盈滿

華嚴經

較量二土晝夜長短

文殊說般若經

修一行三昧專稱佛名

般舟經

修佛立三昧專念彌陀

方等大集經

修佛立三昧中道觀法

華嚴經

解脫長者得唯心念佛門

華嚴經

依普賢願得生極樂

法華經

聞經修行即得往生

大寶積經

發十種心得生極樂

隨願往生經

娑婆濁惡偏讚西方

大集日藏經

念佛隨心見天見小

目連所問經

無量壽國易往易取

十往生經

念佛之人菩薩守護

觀佛三昧經

佛記文殊當生極樂

文殊發願經

文殊發願求生極樂

入楞伽經

佛記龍樹往生樂國

善信摩親經

善信厭女求生西方

首楞嚴經

約情想多少論報高下

守護國界主經命終善惡感報優劣

呪凡一十道

無量壽修觀行供養儀軌 此儀軌中錄出三呪如下

無量壽如來奉印真言

無量壽如來根本印真言

無量壽如來心真言

烏瑟膩沙最勝總持經 此經中錄出二呪如下

無量壽如來總持法門

不空羅索神變真言經 此經中錄出三呪如下

一字真言

溥徧解脫心真言

不空大灌頂光真言

彌陀不思議神力傳 拔一切業障根本得生

論 凡六處

無量壽論 往生偈及五門修法

毗婆沙論 念佛為易行道

大智度論 樂多集功德者求生淨國

大智度論 釋迦彌陀各有淨穢國土

大乘起信論 娑婆不徧佛專勸念

思惟要略法 利鈍二根觀佛相好

阿彌陀佛尊號

本藏專談淨土經論目錄

余編類斯文所以先示經論者欲修淨業人務本故也其諸

經論皆散在本藏今載經題函號以助檢閱之易耳

佛說無量清淨平等覺經一部二卷 乃字函

後漢月支三藏支婁迦讖譯

無量清淨平等覺即無量壽佛異號也清淨平等四字壽

字意也覺即佛之華言

佛說阿彌陀經一部二卷

凡字函

吳月支三藏支謙譯

此經亦名阿彌陀三耶三佛薩樓佛檀過度人道經

佛說無量壽經一部二卷

乃字函

曹魏三藏康僧鎧譯

此經更有晉永嘉年中竺法護所譯之本藏中今缺天台觀經疏所指大本即法護所譯也

大寶積經無量壽如來會卷第十七十八

師字函

大唐三藏菩提流志譯

寶積總方等諸大乘經四十九會第七即無量壽會也

佛說大乘無量壽莊嚴經一部三卷

兵字函

大宋太宗朝西天三藏法賢奉詔譯

以上五經其平等覺與阿彌陀並譯出法藏比丘二十四願無量壽與大寶積會則譯出四十八願世有單本四十八願經一卷此乃於無量壽經錄出非別有本也又無量壽莊嚴經譯出三十一願輔行曰願數不同部異見別不須和會然細讀五經大槩起盡皆同似同梵本但譯師之異廣略隨宜耳而荆溪謂部異見別者則顯佛說是同隨機不等至於結集翻譯皆不同也然則同異之說未敢定

判覽者詳之五譯之中，文相頗明，取曹魏本以故。祖師諸文多引用之。

佛說阿彌陀經一卷

養字函

姚秦三藏法師鳩摩羅什譯

天台觀經疏指此經為小本，前無量壽經為大本。觀無量壽佛經處兩經之間，義當中本。

稱讚淨土佛攝受經一卷

養字函

大唐三藏法師玄奘譯

以上二經同本異譯。秦本列六方諸佛，稱讚唐譯具有十方諸佛，稱讚此亦譯師適時廣略不同。龍舒淨土文謂秦

本脫去四方者，不曉翻譯部別也。

佛說觀無量壽佛經一卷

養字函

宋元嘉中，曇良耶舍譯

此經單本藏中無重譯之文，亦名淨除業障生諸佛前經。後出阿彌陀佛偈經一卷。

養字函

後漢失譯

此經唯五十六句偈頌說法文體簡古，古今不得而評。

阿彌陀鼓音聲王陀羅尼經一卷

養字函

失譯。以上二經謂之失譯者，失法譯師名也。有不曉者謂不譯名失譯，不譯則梵書矣。

般舟三昧經一部三卷

罪字函

後漢月支三藏支婁迦識譯

藏中有大方等大集賢護經跋波經並與般舟同本異譯
專說現在佛悉在前立三昧九十日中觀想稱誦彌陀摩訶止觀常行三昧所準之經也

佛說如來烏瑟膩沙最勝總持經一卷

高字函

太宋太宗朝西夫三藏法夫奉詔譯

此經無量壽佛說神呪為眾生延壽命終即得往生極樂

無量壽如來修觀行供養儀軌一卷

衡字函

大興善寺三藏不空奉詔譯

此儀軌結壇誦呪專期往生

無量壽優波提舍論一卷

堂字函

婆藪婁豆菩薩造元魏天竺三藏菩提留支譯

婆藪婁豆此翻天親天台十疑論所稱往生論即此也此

論通伸淨土諸經或能觀之甚資淨行

阿彌陀經不思議神力傳

養字函

此傳失載造傳人名與小本彌陀經同卷往生神呪在內

集諸經禮懺儀二卷

羣字函

上卷唐沙門智昇集上半卷通禮諸佛下半卷別以偈頌
禮讚西方及懺悔發願等文下卷比丘善導揀示專修西

方要義及集記諸祖六時禮讚淨土偈頌等
以上經論傳集一十六種並專談淨土故十疑論云藏中有
數十餘部經論殷勤指授勸生西方是也先賢謂淨土但有
七經者其不審乎

法華經 彌陀迹中化緣之始

化城喻品曰過去有佛名大通智勝其佛未出家時有十六
二皆以童子出家而為沙彌爾時彼佛說是經已即入靜室
八萬四千劫是時十六菩薩知佛入室各升法座為四部眾
廣說分別妙法華經一一皆度六百八十萬億那由他恒河
沙等眾生是十六菩薩所化眾生世世所生與菩薩俱十六

沙彌今於十方現在說法乃至云西方二佛一名阿彌陀第
十六我釋迦牟尼爾時所化眾生汝等諸比丘及我滅度後
未來世中聲聞弟子是也若如來自知涅槃時到便集諸菩
薩及聲聞眾為說是經

台宗明法華本迹迹中以大通為首此文乃有二意一首
日共結緣從是時十二中間相逢值從是十六三今日還
說法華從若如此三總結迹中一期施化盡矣釋迦既爾
彌陀亦然良以十六王子於大通時覆講為物結緣其諸
王子各得成佛西方號阿彌陀以果驗因彌陀爾時乃為
第九王子為眾講說是知彌陀為物結緣明矣故妙玄六

云大通為結大乘之首彼佛八千劫說經十六王子八萬
四千劫覆講于時聽眾或當座已悟或中間得入或近化
始得即斯意也如是銓量非唯顯佛佛施化道同抑亦知
古往今來生淨土者並第九王子當時結緣之眾矣

悲華經 三聖因願授記名號

往昔過恒河沙阿僧祇劫有世界名刪提嵐劫名善持有轉
輪王名無諍念主四天下有一大日名曰寶海是梵志種時
生一子有三十二相八十種好常光一尋生時有百千諸天
來共供養因為作字號曰寶藏其後出家剃除須髮成菩提
道還號寶藏如來廣為聖王說於正法王請如來及諸聖眾

三月供養王有千子王及千子如是供養滿二百五十歲各
各向佛及比丘僧悔諸不及爾時如來即入三昧放大光明
現十方世界或有世界五濁弊惡或有世界清淨微妙等王
白佛言諸菩薩等以何業故取淨世界以何業故取不淨世
界佛言菩薩以願力故取清淨土離五濁惡復有菩薩以願
力故求五濁惡王言我今真實欲得菩提不願取不淨佛土
我已先於十歲之中端坐思惟莊嚴清淨佛土我今發願願
成道時世界之中無有地獄畜生餓鬼眾生皆作金色人天
無別無有女人等二化生壽命無量世界清淨無有臭穢所
有宮殿種種莊嚴如第六天餘佛世界若有眾生聞我名者

佛經文卷第一

十一

修諸善本欲生我界願其命終必定得生唯除五逆誹謗聖
 人破壞正法等安養記云悲華經備有輪主發深願已佛即
 上二十四願但文略耳告曰大王汝見西方過百千萬億佛土有尊音王如來世界
 清淨莊嚴悉如大主所願如是四佛出現入滅過一恒河沙
 阿僧祇劫入第二恒河沙阿僧祇劫是時世界轉名安樂汝
 於是時當得作佛號無量壽如來等爾時寶藏如來尋為第
 一不眴太子授記曰汝觀天人三惡一切眾生生大悲心欲
 斷眾生諸苦惱故欲令眾生住安樂故今當字汝為觀世音
 無量壽佛般涅槃已彼土轉名一切珍寶所成就世界種種
 莊嚴安樂世界所不及也汝成菩提道號徧出一切光明功

德山王如來文告第二尼摩太子汝今所願取大世界如汝
 所願汝當成菩提道號曰善住珍寶山王如來由汝取大世
 界故因是字汝為得大勢至三聖因願授記劫國名号經
 涉第二第三以上但畧錄耳

一向出生菩薩經 彌陀因行成就眾生

佛言我念過去廣大無量無邊阿僧祇劫有佛號寶功德威
 宿劫主彼佛將入涅槃為眾廣說法本陀羅尼時有輪主名
 曰持火主有太子名曰不思議勝功德生年十六從彼如來
 聞是法本即於七萬歲中精勤修習未曾睡眠亦不偃側端
 坐一處不貪財寶及以王位不樂首身得值九十億百千那
 由他佛諸佛說法盡能聞持修習默家剃髮而作沙門作已

復於九萬歲中修習此陀羅尼復為衆生分別顯示一生之中力精教化令八十億百千那由他衆生得發道心積功累德住不退地爾時不思議勝功德比丘豈異人乎即阿彌陀如來是也經在大藏知字函

無量壽經 法藏比丘發願莊嚴妙上

過去久遠錠光佛出世如是次第至五十三佛名世自在王彼佛世中有一國王聞佛說法心懷悅豫棄國弄王而作沙門號曰法藏高才勇哲與世超異佛說法言譬如大海人以昇量經歷劫數尚可窮底得其妙寶有人至心精進求道不止何願不得佛因廣說二百一十億佛刹天人之善惡國土

之鹿妙法藏聞說皆悉睹見發起勝願其心寂靜志無所著重白佛言唯垂聽察如我所願當具說之設我得佛國有地獄餓鬼畜生者不取正覺云云法藏說四十八願已大地震動天雨妙華法藏誠諦不虛超出世間一向專志莊嚴妙土教化安立無數衆生住於無上正真之道今已成佛現在西方安樂世界其國七寶奇麗超十方界無有須彌日月大海溪渠井谷等亦無四惡趣亦無春夏秋冬不寒不熱常和調適其諸衆生功德善力行業之地故能爾耳

彌陀偈經 彌陀本願取土之相

惟念法比丘 乃從世饒王 發願喻諸佛 誓二十四章

世世見諸佛 壞數無有量 不慶宿命行 功德遂具成
 世界名清淨 得佛號無量 國界平夷易 豐樂多上人
 佛壽十方沙 光明普無邊 菩薩及弟子 不可算稱量
 若欲見彼佛 莫疑亦莫慮 有疑在胎中 不合五百年
 不疑生基坐 又手無量前 願欲徧十方 須臾則旋還

首楞嚴經 勢至獲念佛圓通

大勢至法王子與其同倫五十二菩薩即從座起頂禮佛足
 而白佛言我憶往昔恒河沙劫有佛出世名無量光十二如
 來相繼一劫其最後佛名超日月光彼佛教我念佛三昧譬
 如有久一專為憶一人專忘如是二人若逢不逢或見非見

二人相憶二憶念深如是乃至從生至生同於形影不相乖
 異十方如來憐念眾生如母憶子若子逃逝雖憶何為子若
 憶母如母憶時母子歷生不相違遠若眾生心憶佛念佛現
 前當來必定見佛去佛不遠不假方便自得心開如染香人
 身有香氣此則名曰香光莊嚴我本地以念佛心入無生
 忍今於此界攝念佛人歸於淨土佛問圓通我無選擇都攝
 六根淨念相繼得三摩提斯為第一
 長水疏曰無量壽亦名無量光一專為憶如佛一人專忘
 謂不念者如是眾生見佛不定故云若逢不逢等佛與眾
 生憶念相應故如形影念佛心者初即以生滅心緣佛相

好專注一境心無間然見佛相好如鏡現像復觀所念之
佛俱為虛妄本變自性從念想現故能念之心已起未起
身何而有不見一法畢竟空寂本來離念離念相者等虛
空界無所不徧法界一相即是如來平等法身故曰一無
生忍我既得度眾生與我無異無異之性互相關涉故念
佛者我皆攝之念屬意根意即諸根所依故云都攝念即
無念故云淨念不以念聞故云相繼集解曰以證驗修念
佛之心不可單約事解念存三觀佛具三身心破三惑無
生忍位方可得入

鼓音王經 彌陀國城父母親屬

佛在瞻波大城法會說西方安樂世界阿彌陀佛若人能持
名號臨欲終時彼佛大衆往此人所令其得見見已懽悅所
生之處永離胞胎穢欲之形寶蓮華中自然化生其國號清
泰聖王其城縱廣十千由旬於中充滿刹利之種阿彌陀佛
父名月上轉輪聖王其母名殊勝妙顏子名月明奉事弟子
名無垢稱智慧弟子名曰攬光神足精進名曰大化魔王名
曰無勝有提婆達多名曰寂靜若人誦此鼓音聲主大陀羅
尼十百十夜六時專念敬禮彼佛堅固正念悉除散亂念念
不絕十日之中必見彼佛并見十方如來及所住處唯除重
障鈍根之人所不能觀 呪廣不錄

孤山彌陀疏曰鼓音王經既有女人及惡逆者豈非彌陀
 現穢土耶天竺決疑曰天親論女人根缺不生鼓音王佛
 母且指初降生時成正覺已國土隨淨必無女人其母或
 轉成男子如此方龍女或復命終如悉達母二家所說天
 竺為正以經所說遠離胞胎穢欲佛勸人往生故但對機
 不等與諸經少差降耳

阿彌陀經 極樂過十萬億佛土

從是西方過十萬億佛土有世界名曰極樂其土有佛號阿
 彌陀今現在說法

雲川新疏曰極樂之土有四不同所謂同居方便實報寂

光前三傳傳而論有苦有樂唯寂光乃至極之樂耳同居
 中有二謂同居穢同居淨今經所明是同居淨佛意令
 行人至寂光之樂而彼未宜且今取於同居之淨既至彼
 淨則究竟寂光之樂可期矣大哉聖人善權其若是乎
 十疑論問曰西方去此十萬億佛刹凡夫劣弱云何可到
 答為對凡夫肉眼生死心量說耳西方去此十萬億刹但
 使衆生淨土業成者臨終在定之心即是淨土受生之心
 動念即是生淨土時為此觀經云彌陀佛國去此不遠又
 業力不可思議一念即生不須愁遠又如人夢身雖在床
 而心意識徧至他方生淨土亦爾不須疑也

自信錄曰極樂去十萬億刹凡夫命終頃刻至者自心本
妙耳如楞嚴曰汝猶未明一切浮塵諸幻化相當處出生
隨處滅盡因緣和合虛妄有生因緣別離虛妄名滅殊不
知生滅去來本如來藏常住妙明性真常中求於去來迷
悟生死了無所得以此推之當命終時染濁緣離故娑婆
當處幻滅清淨緣合故極樂當處幻生此滅彼生間不容
髮亦何頃刻之可論乎抑見終日取捨而未嘗取捨者矣

阿彌陀經 七日不乱感佛往生

不可以少善根福德因緣得生彼國若人聞說阿彌陀佛執
持名號若一日至若七日一心不乱其人臨命終時阿彌陀

佛與諸聖眾現在其前是人終時心不顛倒即得往生

孤山疏曰不可以少善根得生則反顯可以多善得生也

少善謂等閑發願散亂稱名多善謂執持名號要期日限
執謂執受持謂任持信力故執受在心念力故任持不忘
霄川疏曰福德雖多太略如觀經中三種淨業可也天台
判三種淨業為散心十六妙觀方名正受以彼例此福德
因緣即散心一心不乱即正受孤山判此經是散善觀經
屬定善予不疑彼說且普門品疏釋一心稱名有事有理
若用心存念不聞名事一心若達此心四性不生與空慧
相應是理一心愚彼驗此一心亦然普門品中無不乱二

字智者尚作空慧釋之今云一心不乱何苦取為散善

觀無量壽經 行三種業得生西方

欲生彼國者當修三福一者孝養父母奉事師長慈心不殺
修十善業二者受持三歸具足眾戒不犯威儀三者發菩提
心深信因果讀誦大乘觀進行者此三種業過去未來現在
三世諸佛淨業正因

天台觀經疏曰初業共凡夫次共二乘後是大乘不共之
法第一敬上接下慈心行也修十善業是其止行身除三
邪口離四過意斷三惡第二在家戒亦即十戒具足眾戒
者道俗備受微細不犯威儀者三千悉不缺也第三發善

提心是願起意趣尚名為發心佛果圓通說為菩提讀誦
大乘明修解也行能運通說之為乘妙宗曰此三種業得
前者不得後後得後後者必得前前

觀無量壽經 初修日觀送想西方

佛告韋提希汝及眾生在當起想念正坐西向諦觀於日令心
堅住專想不移見日欲沒狀如懸鼓

觀經疏曰落日懸鼓用標送想之方妙宗曰繫心之法須
觀落日者欲令定想趣於西方是向彌陀所居處故即以
所見落日為境想之今起觀中之日以圓人知能想心本
具一切依正今以具自之心緣於即心之月令本性日顯

現其前斯乃以法界心緣法界境起法界日既皆法界豈不即空假中此心堅住明了則日觀成也

觀無量壽經 第八像觀約心觀佛

次當想佛所以者何諸佛如來是法界身入一切眾生心想中是故汝等心想佛時是心即是三十二相八十隨形好是心作佛是心是佛諸佛正徧知海從心想生是故應當一心繫念諦觀彼佛

觀經疏曰諸佛如來下泛明諸佛是故應當下徧觀彌陀法界身者報佛法性身也眾生心淨法身自在故言入如白白升天影現百川明佛身自在能隨物現也又法界身

是佛身無所不徧法界為體得此觀佛三昧解入相應故言入心想也是心作佛者佛本是無心淨故有是心是佛者向問佛本是無心淨故有便謂條然故言即是始學名作終成即是妙宗釋曰欲想佛身須知觀體體是本覺起成能觀本覺乃是諸佛法界之身以諸佛無別所證全證眾生本性故也若始覺有功本覺乃顯故云法身從心想生又復彌陀與一切佛下身一智應用亦然彌陀身顯即諸佛身諸佛相明即彌陀體是故泛明諸佛以為彌陀觀體從法界身下是約感應道交釋從又法界身下是解入相應釋融心解曰若無初釋則觀非觀佛若無次釋則生

佛體殊二釋相成是今觀法是心作佛者明即心變全性
成修是心是佛者心外無佛佛外無心既全是心心豈見
心如指不自觸刀不自傷般舟所謂我所念即見心作佛
心者不知心等止觀約此而立中觀般舟與此文同也如
來恐人著相觀佛故於真像之前示乎觀體令依此法而
觀佛身妙宗又曰今之心觀非直於陰觀本性佛乃託他
佛顯乎本性故先明應佛入我想心次明佛身全是本覺
故應佛顯和本性明託外義成唯心觀立若論作是即不
思議三觀也以若破若立名作空假二觀也不破不立名
是中道觀也全是而作則三諦俱破俱立全作而是則三

諦俱非破立即中之空假名作能破三惑能立三法故感
他佛三身圓應能成我心三身當果即空假之中名是則
全惑即智全即德故心是應佛心是果佛故知作是一
心修此三觀乃十六觀之總體一經之妙宗文出此中義
徧初後是故行者當用此意修淨土因不可不知

觀無量壽經 具三種心即得往生

若有眾生願生彼國者發三種心即便往生何等為三一者
至誠心二者深心三者迴向發願心具三心者必生彼國
觀經疏曰至誠心者即實行眾生至之言專誠之言實深
者佛果深高以心往求故云深心亦從深理生亦從厚樂

善根生故十地經云入深廣心涅槃云根深難拔故曰深心
善導釋曰身禮拜彼佛口稱揚彼佛意觀察彼佛三業真
實故名至誠心以真實信心信知自身具足煩惱流轉三
界信知彌陀本願稱名下至十聲得生乃至一念無有疑
心故名深心凡所作為一切善根悉皆迴願往生故名迴
向發願心具此三心必得生也若少一心即不得生

觀無量壽經 下品下生十念功成

下品下生者作不善業五逆十惡以惡業故應墮惡道如此
愚人臨命終時遇善知識為說妙法教令念佛此人苦逼不
遑念佛善友告言汝若不能念佛者應稱無量壽佛如是至心

令聲不絕具足十念稱南無阿彌陀佛稱佛名故於念念中
除八十億劫生死之罪命終之時見金蓮華即得往生

觀經疏曰善心相續至於十念或一念成就即得往生以
念佛除滅罪障故即以念佛為勝緣也問云何以少時心
力而能勝終身造惡耶大論自有此責是心雖少時而力
猛利諦心決斷勝百年願力是心名為大心以捨身事急
故如入陣不惜身命名為健人也妙宗曰此雖造惡已
曾修觀故使臨終勸念定心則成亦是乘急戒緩人也縱
現世不修三昧亦是宿種今熟故十疑論云臨終遇善知
識十念成就者並是宿善業強始遇知識作此解釋方合

定善之義若本不修三昧者則屬前悔有輕重義也

觀無量壽經 韋提侍女皆得往生

說是語時韋提希與五百侍女聞佛所說應時即見極樂世界心生歡喜逮無生忍世尊悉記皆當往生

觀經疏問曰論說女人根缺不生此經韋提希五百侍女同生云何曰論說女人根缺不生者就彼為言生彼國者淨根離欲故無女人身根精上故無根缺經語初生故有善心一切得往十疑論曰彼無女人及無盲聾瘖瘂人但此處女人及盲聾瘖瘂人心念彌陀悉生彼國

阿彌陀經 以疑惑心生西方界邊

佛言其中輩人雖不去家捨欲當持經戒分檀布施常信佛語欲生佛國其人命終自見阿彌陀佛往至佛國可得智慧勇猛若人中悔心中狐疑不信分檀諸善得福不信彌陀佛國往生其人續念不絕暫信暫不信無所專據續其善願為本故得往生其人壽終不能得至阿彌陀佛所便道見阿彌陀佛國界邊七寶城中心大歡喜便止其中七寶水池蓮華化生其城縱廣二千里快樂如初利天不見彼佛但見光明心自悔責其人於城中五百歲乃得往至阿彌陀佛聞經聞解無量壽經 不了佛智胎宮受生

佛告慈氏彼國人民有胎生者汝復見不對曰已見其胎生

者所處宮殿或百由旬或五百由旬各於其中受諸快樂如
忉利天慈氏白佛何因何緣彼國人民胎生化生佛言若有
衆生以疑惑心修諸功德願生彼國不了佛智不思議智不
可稱智大乘廣智無等無倫最上勝智於此諸智疑惑不信
然猶信罪福修習善本願生其國此諸衆生生彼宮殿壽五
百歲常不見佛不聞法不見僧是故於彼謂之胎生若有衆
生明信佛智乃至勝智作諸功德信心迴向此諸衆生於七
寶華中自然化生加趺而坐須臾之頃身相光明智慧功德
如諸菩薩具足成就彌勤當知彼化生者智慧勝故佛言其
人作是以後若復中悔心意狐疑不信作善後世得福不信

往生佛國其人雖爾續得往生其人命欲終時阿彌陀佛即
令其人於卧夢中見阿彌陀國土心中大喜意自念言我悔
不知益作諸善今當往生其人但念口不能言即自悔過者
疑差減少悔無所及其人命終即生阿彌陀佛國不能得前
至便道見二千里七寶城中心獨歡喜便止其中於七寶浴
池蓮華化生如第二忉利天上自然之物於其城中五百歲
竟乃得出至阿彌陀佛所其人聞經心不開解智慧不明所
居舍宅在地不能令舍宅隨意高天在虛空中復去阿彌陀
佛大遠不能得近亦如第二中輩狐疑也其人久久亦當智
慧開解知經勇猛次如上第一輩也所以者何皆坐前世求

道時中悔狐疑暫信暫不信不信作善得其福德皆自然得
之爾當知生疑惑者為失大利是故應當明信諸佛無量智慧
觀經疏釋曰觀中云教令正觀為除疑心大本明以疑惑
心修諸功德落在邊地復受胎生故作此觀令除疑惑也
妙宗曰經云不了佛智則生疑惑疏云故作此觀令除疑
惑即顯此觀能了佛智若不用三觀觀落日者則迷佛智
日觀既爾餘觀例然故知大師依乎佛智立今觀法若凡
小善乃至臨終迴向佛智作眾惡者須依佛智求滅罪障
既有兼種生彼速見三寶不生邊地及胎宮也

菩薩處胎經 生染著心墮懈慢國

佛言過此西方十二億那由他刹有懈慢國快樂安隱人欲
往生阿彌陀佛國若從此國過人多染著者即願生其中遂不
得到彌陀佛土若人見此不貪不愛即得越過至安樂國
彌陀經鈔曰此懈慢國即無量壽經所謂疑城佛恐眾生
念佛生疑故現此國也問既云懈慢何得快樂答若對極
樂即為懈慢若對娑婆即為快樂也

平等覺經 淨土聲聞修行證果

無量清淨佛國其諸菩薩阿羅漢各自行道中有在地講經
誦經坐禪者有在虛空講經經行者中有未得須陀洹道者
則得須陀洹道未得斯陀含道者則得斯陀含道未得阿那

含道者則得阿那含道未得阿羅漢道者則得阿羅漢道未得阿惟越致者則得阿惟越致各自行道莫不歡喜又彌陀經云彼佛弟子皆阿羅漢非是算數又觀經中中上品人生彼聞法皆得阿羅漢果

十疑論曰彼無二乘之心純一大乘清淨良伴觀經疏問曰依往生論二乘種不生觀經中輩小乘得生何耶答正處小行不生要由垂終發大乘種爾乃得生以其先多學小至彼聞苦空無常發其本解元證小果得小果已於小不住必還入大妙宗曰迴心故得生慣習故證小知大證小不執偏真而為究竟不久證大也

無量壽經 揀五逆謗法不得往生

四十八願第十八云設我得佛十方衆生至心信樂欲生我國乃至十念若不生者不取正覺唯除五逆謗正法又下卷云諸有聞佛名號信心歡喜乃至一念迴向願生即得往生唯除五逆謗正法

觀經疏云大本五逆謗法不得生此觀經逆罪得生釋有兩義約人造罪有上有下上根如世王造逆必有重悔令罪消薄容使得生下根造逆多無重悔故不得生二者約行行有定散觀佛三昧名定修餘善業為散散善力微不除五逆不得往生大本就此故言不生此經明觀故說得生

無量壽經 三輩修因往生之相

佛言十方衆生願生彼國凡有三輩其上輩者捨家棄欲而作沙門發菩提心一向專念無量壽佛修諸功德願生彼國是人壽終無量壽佛與諸大衆現其人前即隨彼佛生七寶華中住不退轉智慧勇猛神通自在其中輩人至心願生彼國雖復不作沙門大修功德當發無上菩提之心一向專念無量壽佛多少修善奉持齋戒起立塔像飲食沙門等以此迴向願生彼國其人臨終無量壽佛化現其身與諸大衆現其人前即隨化佛往生其國住不退轉功德智慧次上輩也其下輩人至心欲生彼國假使不作諸功德當發無上菩提

之心一向專意乃至十念若聞深法歡喜信樂不生疑惑乃至一念念於彼佛此人臨終夢見彼佛亦得往生功德智慧次中輩也

觀經疏曰觀經九品為今識位之上中下即是大本三品也孤山刊正記曰大本三輩但齊觀經六品以彼三輩純明善行不及惡人故也靈芝謂大本三品皆曾發心可對觀經上品中下二品則非所對况復行因與今全別輔正解曰天台以今經九品會同大本三輩乃約彼此位次高下相同而會不約行因發心之相以會三品也

無量壽經 較量二土修善不同

佛言後世人得佛經語當熟思之能於其中端心正行主行
為善率化其下轉相勸令各自端守廣殖德本布恩施惠忍
辱精進一心智慧正心正意齋戒清淨一月一夜勝在無量
壽國為善百歲所以者何彼佛國土無為自然皆積眾善無
毛髮之惡故於此修善十日十夜勝於他方諸佛國中為善
千歲以他方佛國為善者多為惡者少故唯此多惡無有自
然心勞形困飲苦食毒吾哀汝等苦心誨諭教令修善

無量壽經 往生淨土菩薩眾多

彌勒白佛言於此世界有幾不退菩薩往生極樂佛告於
於此世界有六十七億不退菩薩往生彼國一一菩薩已曾

供養無數諸佛次如彌勒者也諸小行菩薩及修習少功德
者不可稱計皆當往生又不但我刹諸菩薩往生他方佛土
如遠照佛刹有百八十億菩薩皆當往生乃至不但此十四
佛國諸菩薩往生十方世界無量佛國往生者甚多無數若
我具說一劫尚未能盡今略說耳

無量壽經 法滅留經百歲度人

若有聞此經者於無上道終不退轉是故應當專心說行吾
說此經法今見無量壽佛及其國土所當為者皆可求之無
得以我滅度之後復生疑惑當來之世經道滅盡我以慈愍
特留此經止住百歲其有眾生值斯經者隨意所願皆可得

度其有不信讚歎稱揚阿彌陀佛名號而謗毀者五劫之中當墮地獄具受眾苦

無量壽經 勸各精進努力求之

佛告彌勒諸天人等無量壽國微妙安樂清淨若此何不為善念道之自然著於無上下洞達無邊際宜各勤精進努力自求之必得超絕去往生安養國橫截五惡道惡趣自然閉昇道無窮極易往而無人其國不逆違自然之所牽何不棄世事勤行求道德可獲極長生壽樂無有極

無量壽經 無量壽佛光明普照

佛告阿難無量壽佛威神光明最尊第一諸佛光明所不能

及或有佛光照百佛世界或千佛世界取要言之乃照東方恒沙佛刹南西北方四維上下亦復如是或有佛光照于七尺或照一由旬如是轉倍乃至照一佛刹是故無量壽佛號無量光佛無邊光佛無礙光佛等其有眾生遇斯光者三垢消滅身意柔軟歡喜踊躍善心生焉若在二塗見此光明無復苦惱壽終之後皆蒙解脫

無量壽經 寶鉢飲食自然盈滿

彼佛國土諸往生者所處宮殿衣服寶器自然在前金銀瑠璃等鉢隨意而至百味飲食自然盈滿雖有此食實無食者但見色聞香意以為食自然飽足身心柔軟無所味著事已

化去時至復現又平等竟經大彌陀經並云阿彌陀佛菩薩
阿羅漢悉有自然七寶鉢鉢中百味飲食不類世間天上乃
八方上下飲食中精味香味無比自然化生欲得甜醋在所
欲得所食不多不少亦不言美惡食訖化去皆清淨無染所
食但用作氣力耳往生論云愛樂佛法味禪三昧為食

安養記曰初言實無食者次二經謂用氣力故食準欲界
未離段食故須食之據滿願子成佛法喜禪悅食更無餘
食想則淨土亦容實無食者當知彼土百味四微既隨意
而具食與不食安可一途二經各說乃適時好尚耳

華嚴經 較量二土晝夜長短

喜喜品心王菩薩言此娑婆世界釋迦佛刹一劫於極樂世
界阿彌陀佛刹為一日一夜極樂世界一劫袈裟幢世界金
剛堅佛刹為一日一夜如是次第過百萬阿僧祇世界最後
世界一劫於勝蓮華世界賢勝佛刹為一日一夜又彌陀經
云彼佛國土晝夜六時

慈恩彌陀通贊曰淨土晝夜各有六時問淨土人絕無明
國無昏曉何言晝夜答華開金泥化生為天曙之情鳥宿
瓊林菩薩作時昏之想雲川新疏曰當知六時應是晝
夜三彼國眾生身有光明無須彌山不以日之出沒分其
晝夜若如釋籤謂諸天以華開華合以表晝夜則慈恩之

說或然此則寄此方畧刻名彼出時亦耳如華嚴所說則西方六時誠不可用此間寅卯等校其長短也或不取慈恩所說以無證據故予閱悲華經彼明蓮華尊佛世界乃曰彼佛常有光明以華合鳥棲菩薩入定即知夜分若風吹華散諸鳥和鳴菩薩從禪定起知是晝分

文殊說般若經 修一行三昧專稱佛名

文殊言云何名一行三昧佛言法界一相繫緣法界是名一行三昧欲入一行三昧應處空閑捨諸亂意不取相貌繫心一佛專稱名字隨佛方所端身正向能於一佛念念相續即是念中能見過去現在諸佛何以故念一佛功德亦與無量

諸佛功德無二皆成一一如成最正覺

天台止觀云常坐三昧出文殊說文殊問經名一行三昧九十日為一期結加正坐隨一佛方面端坐正向時刻相續若坐疲極或疾病所困或睡蓋所覆內外障侵奪却當專稱一佛名字慙愧懺悔以命自歸與十方佛名功德正等輔行釋曰隨一佛方面等者隨向之方必須正西若障起念佛所向便故經雖小局令向西方既令專稱一佛諸教所讚多在彌陀故以西方而為一準與十方佛等者釋疑也恐有人疑何故獨令稱彌陀是故釋云功德正等也
般舟經 修佛立三昧專念彌陀

佛言何因致現在諸佛悉在前立三昧其有四眾持戒完具
 獨一處止心念西方阿彌陀佛今現在去是千億萬佛刹其
 國名須摩提在眾菩薩中央說經一切常念彼佛譬如夢中
 見金寶親屬相與娛樂覺已說之若人念彼佛一日晝夜若
 過七白七夜阿彌陀佛於覺不見夢中見之心作念時諸
 佛國土大山須弥幽冥之處悉為開闢不持神足到其佛
 刹便於是間坐見彼佛聞前說經譬如舍衛有三婦女時
 羅閱國有二男子本未曾見聞之婦意即動夢到其前與
 共棲宿婦事宛然用是念故見佛當生常念佛身有三千
 二相端正無此用念佛故得空三昧又如夢中食甘美飲

念覺已腹空自念一切前有所皆如夢也佛於三昧中立有
 三事持佛威神力持佛三昧力持本功德力持用是三事
 故得見佛作是念佛從何前來去到何前自念佛无前從
 來我亦无前至我前念即見心作佛心自見心是佛心是恒
 薩阿竭心是我身心見佛心不自知心不自見心心有
 想為癡心无想是泥洹是法无可樂者皆念前為設使念
 為空耳復有四事疾得是三昧一者不得有世間思想如
 指相彈頃三月二者不得卧出三月如指相彈頃三者經
 行不得休息不得坐三月除飯食左右四者為人說經不

得望人衣服飲食佛威神力於三昧中立東視百千佛百萬佛百億佛如是十方悉見諸佛

止觀云常行三昧出般舟經般舟翻為佛立佛立有三

義如經此三昧成能於定中見十方佛在前立明此三昧

有三一身開避身開常行避惡知識常獨處止常行乞

食不受別請嚴飾道場盥沐其身改換衣服唯專行旋

九十日為一期要期誓願使我筋骨枯朽學是三昧不

得終不休息二口說默九十日口常唱阿彌陀佛名无休

息九十日心常念阿彌陀佛无休息或唱念俱運或先

念後唱或先唱後念唱念相繼无休息時若唱彌陀即

是唱十方佛功德等但專彌陀為法門主舉要言之步

步色色念念唯在彌陀三意止觀三月常念彌陀二十

二相從足下千輻輪相二道緣念諸相乃至无見頂亦

應從頂緣至千輻輪令我亦速是相又念我當後心得

佛後身得佛佛不用心得不用身得不用心得佛色不

用色得佛心智者曉了本无前有壞本絕末如夢見

七寶親屬覺已不知在何處又如婦女夜夢從事覺已

念之不來不往樂事宛然又如夢食美食覺已腹空白

三十一

念一切前法皆如夢是名如相念假自念佛從何
來我亦无前至我前念即見心作佛心自見心見佛心
是佛心是我心見佛心不自知心心不自見心心有想
為癡心無想是泥洹是法无可示者皆念前為設有念
亦了無前有 中 若人欲得智慧如大海於此坐不運神
通悉見諸佛者當修是三昧是三昧於諸功德最為第
一此三昧是諸佛父母一切如來從是法生
輔行釋曰意止觀中先念三十二相以為觀境又念我
當下正明於境以修三觀我前念諸句中佛字一自心

三昧前見佛二西方後因感果佛今具二義共為一境
為順理故從初義釋三昧既成隨念即見見是心性名
心作佛佛既心作故見佛時名見自心若見自心即見
佛心以彼佛心是我心故故此中意但觀自心及所見
佛不出法性故見佛心即見已心已心佛心即是中道
四明融心解曰止觀判般舟文心佛已得為空夢事宛
然為假心不見心為中說則三相歷然修則一念備
方等大集經 修佛立三昧中道觀法

佛告賢護若欲成就諸佛現前三昧隨前念如即見如來

如取清油淨水水晶明鏡用是四物觀已而像善惡好醜
影現分明而彼現像不從四物出亦非余處來非自然有
非人造作當知彼像无前從來亦无前去无生无滅无有
往則菩薩亦尔即復思惟今此佛者從何前來而我身
復後何出觀彼如來竟无來處及以去處我身亦尔本無
出處豈有轉還彼復應作如是思惟今此三身唯是心有何以
故隨彼心念還自見心今我從心見佛我心作佛我心是佛我心
是如來我心是我身我心見佛心不知心心不見心心有想念
則成生死心無想念即是涅槃前思既滅能想亦空當知

菩薩因此三昧證大菩提

此經與前般舟經同本異譯此中前明中道觀法文相
顯著故更重錄

華嚴經 解脫長者得唯心念佛門

長者言善男子我若欲見安樂世界无量壽如來隨意即見
如是十方一切世界所有如來我若欲見隨意即見我能
知一切如來國土莊嚴神通等事无前從來亦无所至無有
行處亦无往處亦如已身無來無去無行住處然彼如來不
來至此我不往彼知一切佛及與我心皆如夢故如夢所見

從分別生見一切佛從自心起又知自心如器中水悟解諸
 法如水中影又知自心猶如幻術知一切佛如幻前作又知
 自心諸佛菩薩悉皆如響譬如空谷隨言發響悟解自心隨
 念見佛我如是知如是憶念所見諸佛皆由自心此其真元華嚴經
 清涼真元疏曰無所從來下正辨唯心即心無心便入真
 如了彼相虛唯心現故以我即寂之唯心即彼即體之妙
 用能念念何動寂之相干既了唯心了心即佛故隨所
 念無非佛矣况志一不撓精研造微佛應克誠于何不見
 下列四喻通顯唯心喻無來往別喻兼明不出入等四喻

皆具四觀一正是唯心二唯心故空三唯心故假四唯心
 故中融而無礙即華嚴意夢喻不來不去影喻不出不入
 幻喻非有非無響喻非合非散三觀齊驅以性融相則入
 重重念佛之境已見德雲

華嚴經 依普賢願主得生極樂

行願品普賢菩薩於逝多林末會發十大願主其一願皆
 云虛空界盡眾生界盡我此大願無有窮盡是人臨命終時
 最後刹那一切諸根悉皆散壞一切威勢悉皆退失輔相大
 臣宮殿內外象馬車乘珍寶伏藏無復相隨唯此願主不相
 捨離於一切時引導其前一刹那中即得往生極樂世不惑

已即見阿彌陀佛其人自見生蓮華中蒙佛授記得授諸
經無數劫普於十方不可說不可說世界以智慧力隨眾生
心而為利益乃至能於煩惱大苦海中拔濟眾生令其出離
皆得往生極樂世界又下偈云願我臨欲命終時盡除一切
諸障礙面見彼佛阿彌陀即得往生安樂刹我既往生彼國
已現前成就此大願一切圓滿盡無餘利樂一切眾生界
卓元疏曰問不求生華藏期生極樂何耶答有四意一者
有緣故二欲使眾生歸憑情一故三不離華藏故四即本
師故行願鈔曰有緣者彌陀親重偏接娑婆人也歸憑情
一者若聞十方皆妙彼此融通則初心茫茫無所依託故

方便引之不離華藏者極樂去此但十萬億佛土華嚴中
所有佛刹皆微塵數故不離也即本師者如經第二十九
云或有見佛無量壽觀自在等共圍繞疏判云讚本尊遮
那之德也疏又曰華藏刹海皆遮那境無量壽佛去十萬
億並未出於刹種之中豈非本師隨名異化也
道純法師曰問普賢行願是華嚴流通何故於世界海中
偏指極樂既信解圓宗十方佛刹皆可往生結歸西方必
有深旨答普賢為善財海眾說願王已結歸西方者蓋為
信解圓宗人入文殊智修普賢行福慧事理皆稱法界此
大心人雖妙悟本明頓同諸聖然猶力用未克未及不慈

出現普利眾生所以暫依淨土親近彌陀海眾直至諸
故經曰親觀如來無量光現前授我善提記蒙彼如來授
記已化身無數百俱胝智力廣大徧十方普利一切眾生
界即斯意也此文出直指淨土決疑集

法華經 聞經修行即往安樂世界

佛言若有女人聞是經典如說修行於此命終即往安樂世
界阿彌陀佛大菩薩眾圍繞住處蓮華中寶座之上不復
為貪欲所惱亦復不為嗔恚愚癡所惱亦復不為憍慢嫉妬
諸垢所惱得菩薩神通無生法忍
荆溪法華記曰若有女人等者此中祇云聞是經典如說

修行即淨土因不須更指觀經等也問如何修行答既云
如說修行依經立行具如分別功德品中直觀此土四土
具足故此佛身即三身也故此大衆即一切衆以惑未斷
故故安樂行是同居淨土行之氣分也故不離同居穢見同居淨問同居
類多何必極樂答教說多故由物機故是攝生故專注故宿緣事故約多分故

大寶積經 發十種心得生極樂

彌勒白佛言如佛所說阿彌陀佛極樂世界功德利益若有
眾生發十種心隨一一心專向於佛是人命終當得往生世
尊何等名為十種心佛告彌勒如是十心非諸凡愚不善才
夫具煩惱者之所能發何等為十者於諸眾生起於大慈

無損害心二者於諸眾生起於大悲無逼惱心三者於佛年
 法不惜身命樂守護心四者於一切法護生勝忍無執著心
 五者不貪利養恭敬尊重淨意樂心六者求佛種智於一切
 時無忘失心七者於諸眾生尊重恭敬無下劣心八者不著
 世論於菩提分生決定心九者種諸善根無有雜染清淨之
 心十者於諸如來捨離諸相起隨念心是名菩薩發十種心
 由是心故當得往生若人於此十心隨成一心樂欲往生彼
 佛世界若不得生無有是處 經第九十二卷

隨願往生經

娑婆濁惡偏讚西方

普廣菩薩白佛言何故經中讚嘆阿彌陀佛刹土寶諸樹宮

殿樓閣諸願生者皆悉隨彼所欲應念而至佛告普廣汝不
 解我意娑婆世界人多貪濁信向者少習邪者多不信正法
 不能專一令諸眾生專心有在是故讚嘆彼佛國土諸往主
 者悉隨彼願無不獲果

大集日藏經

念佛隨心觀見大小

佛言欲生清淨佛刹不生障礙而此眾生應淨洗浴著鮮潔
 衣菜食長齋勿噉辛臭於寂靜處正念結加或行或坐念佛
 身相更莫他緣或一日一夜或七日夜至心念佛乃至見佛小
 念見小一念見大乃至無量念者見佛色身無量無邊佛身
 三十二相於一一相亦念亦觀皆能明了隨所見相見青光

明於彼光相專精繫意無令心亂彼光出已從行者頂入爾時安心謹莫驚怖念此青光於自身中支體徧行見身火然乃至成灰風來散滅如是念時無有一相十方皆空如是修者能於一彈指頃到一佛刹及無量刹

此經所明念佛雖不定指西方竊見慈雲懺主念佛方法引證念佛大小之義故此錄之庶覽彼文者知經始末

目連所問經 無量壽國易往易取

佛告目連譬如萬川長流有浮草木前不顧後後不顧前都會大海世間亦爾雖有豪貴富樂自在悉不得免生老病死秋由不信佛經後世為人更甚困劇不能得生千佛國土是

故我說無量壽國易往易取而人不能修行往生返事九十六種邪道我說是人名無眼人名無身人

十往生經 念佛之人菩薩守護

佛言若有衆生念阿彌陀佛願往生者彼佛即遣二十五菩薩擁護行者若行若坐若住若臥若晝若夜一切時一切處不令惡鬼惡神得其便也

觀佛三昧經 佛記文殊當生極樂

文殊白佛言我念過去寶威德上主佛時有長者名一切施長者有子名曰戒護子在母胎以敬信故預為其子受三歸依生年八歲童子見佛恭敬作禮一見佛故即得除滅百千

萬億生死之罪從是已後常生淨土得百千億念佛三昧門故今釋尊復記之曰文殊師利汝當往生極樂世界證入初地

文殊發願經 文殊發願求生極樂

願我命終時 滅除諸障礙 面見阿彌陀 往生安樂刹

生彼佛國已 成滿諸大願 阿彌陀如來 現前授我記

嚴淨普賢行 滿足文殊願 盡未來際劫 究竟菩薩行

入楞伽經 佛懸記龍樹生極樂國

大慧汝當知 善逝涅槃後 未來世當有 持於我法者

南天竺國中 大名德比丘 厥號為龍樹 能破有無宗

世間中顯我 無上大乘法 得初歡喜地 往生安樂國

楞伽經有三本此出七卷成文實又難陀所譯在四字函

善信摩親經 善信厭女求生淨土

佛在舍衛有長者女名曰善信智慧博達常有天願不樂世

俗自念萬物無常當歸於死天地亦當敗壞何況人身念我

父母兄弟不知罪福貪欲無厭我年三五以許他男我家兄

弟受取正帛我身當往受諸苦難不如今日清淨當發上願

求覓安隱長樂之處可以自娛便正一心自誓身命爾時天

帝現於空中告善信言若當自歸西方安隱清淨法國先向

十方禮拜慈心敬意念必達也女便歡喜澡浴燒香向十方

禮天又告曰汝當說頌讚嘆阿彌陀佛善信依教帝釋即化

端生男子手抱黃金以預調之善信答頌訶男女過帝釋又
手勞之欲何求索普世無雙功德洋洋不可稱量善信聞已
歡喜地為大動說偈歸佛佛即與大眾俱飛到其家善信禮
佛佛便放光微笑為授二十四戒善信聞已而得七住即於
佛前化為男子父母兄弟皆受五戒此緣出經律異相第二

首楞嚴經 情想多少論報高下

佛告阿難一切世間生死相續生從順習死從變流臨命終
時未捨煖觸一生善惡俱時頓現純想即飛必生天上若飛
心中兼福兼慧及與淨願自然心開見十方佛一切淨土隨
願往生情少想多輕舉非遠即為飛仙情想均等不飛不墜

生於人間想明斯聰情幽斯鈍情多想少流入橫生重為毛
羣輕為羽族七情三想沉下水輪生於火際受氣猛火身為
餓鬼常被焚燒水能害已無食無飲經百千劫九情一想下
洞火輪輕生有間重生無間二種地獄純情即沉入阿鼻獄
若沉心中有謗大乘毀佛禁戒誑妄說法虛貪信施濫應恭
敬五逆十重更生十方阿鼻地獄

守護國界主經 命終善惡感報優劣

佛言若人命終之時預知時至正念分明洗浴著衣吉祥而
逝光明照身見佛相好眾善俱現定知此人決定往生淨土
若人念佛持戒無精進心命終亦無善相亦無惡相地府不

取安養不攝如睡眠去此人疑情未斷生於疑城五百歲受
 樂再修信願方歸淨土若人起憐憫心正念現前於財寶妻
 子心無愛戀眼色清淨仰面含笑想念天宮當來迎我耳聞
 天樂眼見天童捨此報身定生天界若人生於柔軟善心起
 福德心身無病難憶念父母妻子於善於惡心不錯亂其心
 正直遺囑家財辭別而去定生人界若人於夫妻男女惡眼
 瞻視左手相空便利不竟身常嗅穢兩目紅赤仆面而卧踏
 身左脇百節酸疼或見惡相口不能言聲吟叫喚冤債現前
 心識散乱狂惑顛倒徧體如冰手捻死拳身硬如石此人命
 終定入地獄若人好舐其唇身熱如火常患飢渴好說飲食

張口不合貪戀財寶命卒難斷開眼而去此人定入餓鬼若
 人身染重病如在雲霧心神昏散怕聞佛名多愛食散血肉
 之味不受勸化愛戀妻兒踏手足指徧身流汗出鹿遊聲口
 中咀沫此相現前定入畜生

無量壽修觀行供養儀軌 出大藏衡字函

爾時金剛手菩薩在毗盧遮那大集會中白佛言我為當來
 雜染世界惡趣眾生說無量壽陀羅尼修三密門證念佛三
 昧得生淨土入菩薩位不以少福無慧方便得生彼刹依此
 教法決定得生上品初地應先入曼荼羅得灌頂已然後從
 師受此儀軌當於勝地塗拭淨室建立方壇上張天蓋周匝

懸幡上壇分布八曼荼羅磨白壇香用塗聖位壇西安無量壽像持誦者東坐面像坐卑脚床行者每日澡浴登壇三時散種種華置二闕伽或新寶器滿盛香水置於壇上於壇四角安四賢瓶香華飲食隨力所辦一一加持殷勤供養行者即觀察一切有情本性清淨為諸客塵所蔽不悟真理是故說此三密加持能令自他清淨

右儀軌一卷三藏不空所譯自此文後列淨三業及普禮結界獻座觀想並結印誦呪總二十四章非不精切願依法行持者檢之今於中錄其簡而可行者三章于后庶資廣淨業云

無量壽如來拳印真言

次結如來拳印以左手四指握拳豎大指以右手作金剛拳握左大指即成以此拳印地真言加持七徧變其世界如來拳真言曰 唵 引一步欠 平聲二

由結此印真言威力故即變此大千世界成極樂刹七寶為地水鳥樹林皆演法音無量莊嚴如經所說行者由數習此定每於定中見極樂世界無量壽佛在大眾會聞說契經臨命終時心不散動三昧現在刹那迅速生蓮華中證菩薩位

無量壽如來根本印真言

次結無量壽如來根本印二手外相又作拳豎二中拍頭相

柱如蓮華葉形結此契已誦無量壽真言七徧以印於頂上
散陀羅尼曰 曩謨引囉怛曩二合夜引耶 一娜莫阿引哩野引
弭路引婆引耶二怛佗去孽路引夜囉曷二合帝三去貌三去涉
馱耶三怛你也佗四唵阿蜜唎二合帝五阿蜜唎二合妬引納婆吞
吠微閉反 阿蜜唎二合多三去婆上吠進上 阿蜜唎二合多孽陞八
阿蜜唎二合多悉弟九阿蜜唎二合多帝際十 阿蜜唎二合多尾
訖磣引帝十一 阿蜜唎二合多誡曩吉引底反 唵十三 阿蜜
唎二合多嬾上弩批娑縛二合唵十四 薩縛引囉佗二合婆去馱寧十五
薩縛磨訖禮二合捨乞灑二合孕迦唵娑縛引賀十六
此真言纔誦一徧身中十惡四重五無間罪一切業障悉皆

消滅若必為必為尼犯根本罪誦七徧即時還得清淨誦滿
萬徧獲得不廢忘菩提心三昧菩薩心顯現身中皎潔圓明
如淨月輪臨命終時見無量壽與大眾俱來迎安慰即生極
樂上品上生

無量壽如來心真言

無量壽如來心真言曰 唵引阿蜜唎吞多帝際賀囉吽引
此真言能誦十萬徧滿得見阿彌陀如來命終決定得生極樂
烏瑟膩沙最勝總持經 出大藏高字函

如是我聞一時佛在極樂刹大善法堂中坐爾時無量壽如
來告觀自在言一切眾生疾病短壽者一切如來烏瑟膩沙

最勝總持法門若人受持讀誦速得無病長壽安樂即時觀自在請佛宣說不録若人書寫此法安置塔中廣大供養右繞千匝恭敬禮拜則獲智慧若七日壽命延至七年若七年壽命延至七十獲得如是長壽安樂無諸疾病得宿命通

無量壽如來總持法門

爾時無量壽如來入普照吉祥三摩地從定出已即說一切如來無量壽總持法門口 唵引阿蜜哩二合帝引阿蜜哩二合帝引阿蜜哩二合觀捺婆二合吠阿蜜哩二合多尾訖攔二合帝引阿蜜哩二合多誡引弥你去阿蜜哩二合多哩那二合祢誡誡曩計哩帝二合羯哩引薩哩縛二合吉梨二合舍又演羯哩曳引沙安縛二合囉

若人用此法門加持淨土作塔又復書此總持安在塔內香華供養延於壽命及增智慧若人於此塔前倍興供養日日誦持滿八百徧發自利利他平等之心如是依法消除八難是人命終不生地獄畜生焰摩羅界如蛇虺皮即生極樂獲大果報受勝妙樂

不空罽索神變真言經一字真言

觀世音菩薩說一字真言曰 唵喉中擡聲引呼此下三呪 如是真言大悲心觀觀世音如法受持應善修行者能害過現重罪一切垢障盡皆消滅當得一切諸佛菩薩天仙龍神悉皆歡喜當捨命後往於西方極樂國土住極喜地蓮華化生

溥徧解脫心真信

爾時觀世音菩薩即於佛前諦觀一切說溥徧解脫心真信
此道呪二百一十二句文廣不錄

此下三呪經中具三有結壇捻印立像等法文涉二卷

又溥徧解脫心真言曰 唵沒三合囉歌麼一慶灑陀上囉二
馱囉馱囉三地利地利四度嚕度嚕五綰曼鞞入縛擺六故
佉訶七莎縛三合訶八

又溥徧解脫心一字真言曰 唵惡輕呼莎縛三合訶去

若人六時倍復精進如法嚴治身器依法持誦滿一落又是
業成熟觀世音菩薩現金色身當滅無始一切根本重罪若
不現者復倍精進誦滿二落文或三落又是業成熟觀世音

定當現身執手指示西方淨土阿彌陀佛坐寶蓮華師子之
座復得阿彌陀佛手摩其頭謂同彼上一切菩薩福命功德
捨此身後往於西方安樂國土上品蓮華具諸相好識宿命
智得不退轉

一 不空大灌頂光真言

出不空羅索神變經第二十八卷索字函

爾時釋迦牟尼如來即伸右手摩清淨蓮華明王頂時大千
世界六變震動所有十方刹土遍現未來一切如來毗盧遮
那如來一時皆現亦同授與清淨蓮華明王灌頂三昧耶爾
時十方三世一切如來毗盧遮那如來各伸右手摩清淨蓮
華明王頂同說不空大灌頂光真言曰

不空大灌頂光真言

唵口中擡聲 拘引呼 暮一 伽上 發無計 嚕者 娜二 摩訶 訶訶 捺能 乙羅
麼拈 三鉢頭 吞廢 八縛羅 四跛囉 吞鞞 野訶 五

若有過去一切十惡五逆四重諸罪得聞此大灌頂光真言
三七徧即得除滅一切罪障若諸眾生具造十惡五逆四重
諸罪猶如微塵滿斯世界身壞命終墮諸惡道以是真言加
持土沙一百八徧屍陀林中散亡者屍骸上或散墓上塔上
彼所亡者若地獄餓鬼脩羅傍生中一切不空如來毗盧遮
那如來真言加持沙土之力應時即得光明及身除諸罪報
捨所苦身往於西方極樂國土蓮華化生乃至菩提更不墮落
秀州海鹽普照院釋智圓母喪以遺骨盛於小匣日誦毗

盧灌頂呪加持沙土覆于骨上殆至盈尺一日頂骨忽漏於

土面初不以為然仍舊復之翌日復爾眾皆驚駭時武英

公權作記以廣其事大智律師作讚以美之文見芝園集

拔一切業障根本得生淨土呪出弥陀不思議神力

拔一切業障根本得生淨土神呪宋元嘉年求那跋陀奉制
譯合計五十九字一十五句若人能誦此呪者阿彌陀佛常
住其頂日夜擁護無令怨家而得其便現世常得安隱臨命
終時任運往生龍樹菩薩願生安養夢感此呪那舍三藏誦
此呪天平寺鑄法師從那舍口授此呪其人云經本外國不
來若欲受持當嚼楊枝澡豆漱口然香於佛像前胡跪合掌

日夜六時各誦三七徧所有四重五逆十惡謗方等罪悉得
滅除現世所求皆得不為諸惡鬼神之所惑亂若誦滿二十
萬徧即感得菩提牙生若至三十萬徧即面見阿彌陀佛
南無阿彌多波夜多一他伽路二夜哆地三夜他阿彌唎四都婆
毗五阿彌唎哆六悉耽婆毗七阿彌唎哆八毗迦蘭諦九阿彌
利哆十毗迦蘭哆十一伽彌膩十二伽伽那十三枳多迦梨十四莎婆訶十五
此呪有六哆字藏中經本注多葛切此為正呼也龍舒文
恐人不正此音並改為掇字擅改呪文世所不許有二他
字俱透戈切路字都餓切地字澄貫切唎字上聲與里同
音枳字止音此呪人所誦持並不與上一十五句相應失

本真也欲期勸驗者須正此句讀

無量壽論 往生偈及五門修法 天親菩薩

| | | | |
|---------|---------|-------|-------|
| 世尊我一心 | 歸命盡十方 | 無量光如來 | 願生安養國 |
| 觀彼世界相 | 勝過三界道 | 究竟如虛空 | 廣大無邊際 |
| 正覺阿彌陀 | 法王善住持 | 如來淨華衆 | 正覺華化生 |
| 愛樂佛法味 | 禪三昧為食 | 永離身心惱 | 受樂常無間 |
| 大乘善根界 | 等無譏嫌名 | 女人及根缺 | 七乘種不生 |
| 衆生所願樂 | 一切能滿足 | 故我願往生 | 阿彌陀佛國 |
| 我作論說偈 | 願見彌陀佛 | 普共諸衆生 | 往生安樂國 |
| 若人修行五念門 | 成就者畢竟得生 | 安樂國土見 | 阿彌陀佛 |

卷之三 頌 四十八

一者禮拜門身業禮拜阿彌陀佛為生彼國意故二者讚嘆
門口業讚嘆彼佛光明智相欲如實修行相應故三者作願
門心常作願一心專念畢竟往生欲如實修行奢摩他故四
者觀察門以智慧觀察欲如實修行毗婆舍那故一觀察彼
國土莊嚴二觀察彼佛莊嚴三觀察彼諸菩薩莊嚴五迴向
門所有功德善根以方便迴向攝取眾生不捨一切世間故
又觀察門三種莊嚴略說一法句謂清淨句真實智慧無
為法身故菩薩如是修五門自利利他速得成就菩提故

毗婆沙論 念佛為易行道 龍樹菩薩

論第四曰佛法有無量門如世間道有難有易陸道步行則

苦水道乘船則樂菩薩道亦如是難行則久可得是隨聲聞
緣竟地者
或有勤行精進以信方便易行疾至應當念佛稱其名號阿
彌陀佛本願如是若人念我稱名自歸即必定得阿耨菩提
是故常應憶念偈曰

| | | | |
|-------|-------|-------|-------|
| 若人願作佛 | 心念阿彌陀 | 應時為現身 | 是故我歸命 |
| 若人欲疾至 | 不退轉地者 | 應以恭敬心 | 執持稱名號 |
| 彼佛本願力 | 十方諸菩薩 | 來供養聽法 | 是故我稽首 |
| 彼土諸菩薩 | 具足諸相好 | 供自莊嚴身 | 我今歸命禮 |
| 彼諸大菩薩 | 日日於三時 | 供養十方佛 | 是故稽首禮 |
| 若人種善根 | 疑則華不開 | 信心清淨者 | 華開則見佛 |

卷之三 念佛三昧 第九

十方現在佛 以種種因緣 歎彼佛功德 我今歸命禮
 其土具莊嚴 殊彼諸天宮 功德甚深厚 是故禮佛足
 若人生彼國 終不墮三趣 及與阿脩羅 我今歸命禮
 十疑論曰難行道者在五濁惡世求阿鞞跋致甚難可得
 略述有五 一外道相善亂菩薩法 二無賴惡人破他勝德
 三顛倒善果能壞梵行 四聲聞自利障於大慈 五唯有自
 力譬如跛人步行一日不過數里易行道者謂信佛教念
 佛三昧乘彌陀願力攝持決定往生如入水路行船須更
 千里亦如劣夫從轉輪主一日一夜周行四天下非是自
 力輪主力也

大智度論 樂多集功德者求生淨土 同前

論四十二問曰菩薩法應度生何以但至清淨無量壽佛國
 土中答菩薩有二種一者慈悲心多為眾生二者多集諸佛
 功德樂多集功德者至一乘清淨無量壽國土好為眾生
 者至真佛法眾處讚歎二寶之音又論四十五曰菩薩有二
 有先自成就功德然後度眾生有先成就眾生後自成就功德者
 妙宗鈔問曰觀經上品是出假位合在穢土利益有情何
 故求生淨土耶答今十向菩薩求生淨土乃是大論先自
 成就功德人也故十疑論明未得無生忍已還要須常不
 離佛故須求生

十向菩薩約別教
 說約圓即十信位

大智度論 釋迦彌陀各有淨穢國土 同前

論三十六曰當知釋迦文佛更有清淨國土如阿彌陀佛國
阿彌陀佛亦有不嚴淨國如釋迦文佛國文三十八卷曰此
間閻浮惡故釋迦壽應短餘處好故佛壽應長

又涅槃經二十二曰西方去此三十二河沙乃至有無勝國
所有莊嚴如安樂世界我於彼土出現於世

觀經疏曰應佛皆為兩量逐物隨緣參差長短妙宗釋曰
佛佛既皆二身圓證應身被物物壽長短豈不隨順各示
兩量故彌陀現長亦能現短釋迦現短亦能現長

起信論 娑婆不值佛專勸念佛 馬鳴菩薩

復次眾生初學是法欲求正信其心性弱以此娑婆自畏
不能常值諸佛親承供養懼謂信心難可成就意欲退者當
知如來有勝方便攝護信心謂以專念念佛因緣隨願得生
他方佛土常見於佛求離惡道如修多羅說若人專念西方
極樂世界阿彌陀佛所修善根迴向願求生彼世界即得往
生常見佛故終無有退若觀彼佛真如法身常勤修習畢竟
得生住正定故

賢首起信疏曰往生有三位一如蓮華未開信行未滿未
名不退但以處無退緣故稱不退二信位滿足已去華開
見佛入十住位得少分見法身住正定位也三三賢位滿

初地已去證徧滿法身生無邊佛土如佛記龍樹等住
初地生淨土等也此中畢竟等是後二位

四明融心解曰此土濁重十信方出苦輪彼土境勝九品

悉皆不退故今託彼勝境修觀縱理未顯見愛俱存捨報

必生無退轉處起信令觀彼佛真如法身者自非一心二

觀將何觀之今家以三觀釋經與馬鳴之意更無少異故

十疑論令想彌陀法身報身光明相好故知往生之行正

在三觀想彼三身捨此求彼初不退其義皆成也

思惟要略法 利鈍二根觀佛相好

觀無量壽佛有二種人鈍者先自觀察額上一寸除却皮肉

但見赤骨繫念在緣不念他念心若餘緣攝之令還次觀赤

骨辟方一寸令白如珂又復通變其身皆作白骨無有皮肉

更變此骨身使作瑠璃光色清淨從此瑠璃身中放白光明

自近及遠徧滿閻浮唯見光明不見諸物還攝光明入於身

中既入之後乃於光中觀無量壽佛結加趺坐顏容巍巍如

紫金山繫念在佛不令他緣常如與佛對坐不異若利根者

但當先作明想是然空淨於明中觀佛便可得見行者若

欲生彼國者當作是觀次觀諸法畢竟空相而於衆生常興

大悲所有善本盡以迴向願生彼國便得往生

右法見太藏圖字函詳其文非佛說又不載菩薩所造而

法苑珠林卷第一 淨土門 五十一

是鳩摩羅什所譯必西竺教典之類也今錄於此願資思
修云爾

阿彌陀佛尊號

南無西方極樂世界三十六萬億一十一萬九千五百同名
同號阿彌陀佛

昔釋迦牟尼佛住世行化至一俗舍見翁婆二人以穀一斗
記數共念阿彌陀佛願生淨土佛言我有異方便令汝於一
聲中念得多穀之數遂令念上佛名

右佛尊號因緣諸淨土經並不見出始因唐飛錫禪師寶
王論以此佛號立一念多佛門次侍郎主古直指淨土決

疑集承之後龍舒淨土文廣勸人受持乃曰嘗以私未穀
校之一合有千八百粒若一稱此號乃滿二千碩穀之數
佛既自以此教又則其功德不可思議也切緣寶王論不
載所出經論尤為缺典今恐稱誦者欲知故茲錄示

樂邦文類卷第一

